



UNIVERSITÄTS-
BIBLIOTHEK
PADERBORN

Universitätsbibliothek Paderborn

**D. Burchardi VVormaciensis Ecclesiae Episcopi,
Decretorum Libri XX. ex Consiliis, & orthodoxoru[m]
patru[m] Decretis, tum etiam diuersaru[m] nationum
Synodis, ceu loci communes congesti, in quibus ...**

Burchardus <Wormaciensis>

Parisiis, 1549

De monasteriis semel consecratis. xix.

urn:nbn:de:hbz:466:1-10722

Si Ecclesia violata fuerit, iterum consecretur.

Caput XII.

SI homicidio vel adulterio Ecclesia fuerit violata, diligētissimè expurgetur, & denuò consecretur.

Ex eodē, cap. 6.

Ut Ecclesiam vbi paganus sepultus est, non liceat dedicari.

Cap. XIII.

Ecclesiam vbi paganus sepultus est, non liceat consecrare, neque Missas in ea celebrare, sed iactari foras & mundari oportet.

Ex cōcil. Aureliano, ca. 7.

Ut in Ecclesia in qua cadauera sepulta sunt, altare consecrare non liceat.

Cap. XIII.

IN Ecclesia in qua cadauera mortuorum sepeliuntur, sanctificare altare non liceat. Si autem consecratum prius fuit, Missas licet celebrare in ea.

Ex eodē cap. 6.

Ut loca semel dedicata, perpetuò sic permaneant.

Caput XV.

VT loca que semel Deo dedicata sunt, aut monasteria fuerint, maneat perpetuò sic, nec possunt ultra fieri secularia habitacula.

Ex cōcil. apud Aquisgrā, cap. 4.

De locis dudum sacratis, & nunc neglectis, ut iterum reformentur.

Cap. XVI.

Placuit ut loca iamdudum consecrata, & nunc spurcitiis foedata, iuxta possibilitatem in antiquum statum reformentur.

Ex eodē cap. 6.

Ut nullus aliud altare erigere presumat, nisi quod ab episcopo consecratum est.

Cap. XVII.

VT nullus presbyter in Ecclesia consecrata aliud altare erigat, nisi quod ab episcopo loci vel eius permisso sanctificatum est: ut sit discretio inter sacratum & non sacratum, nec dedicationem fingat, nisi sit. Quod si fecerit, si clericus est, degradetur, si laicus, anathematizetur.

Ex decretis Hormisdæ papæ, cap. 10.

Ut energumeni Ecclesiarum pavimenta verrant.

Caput XVIII.

Pavimenta domorum Dei energumeni verrant.

Ex cōcil. Carthā.

De monasteriis semel consecratis.

Cap. XIX.

cap. 91.

Quæ semel dedicata sunt sunt monasteria consilio episcoporum qui ciuitates tenent, manere perpetuò monasteria, & res quæ ad ea pertinent, monasteriis reseruari debere, nec posse ea ultra fieri secularia habitacula.

Ex cōcil. Calcedo, cap. 24.

Qui verò hoc fieri permiserint, canonum sententiis subiegebunt.

De illis qui dotem Ecclesie sibi vindicare presumpserint. Cap. XX.

Ex cõcil. Toletan. cap. 19. **M**ulti contra canonum constituta sic Ecclesias que edificauerint postulant consecrari, vt dotem que Ecclesie contulerint, censeant ad episcopi ordinationem non pertinere. Quod factum & in præteritum displicet, & in futuro prohibetur, sed omnia secundum consuetudinem antiquam, ad episcopi ordinationem & potestatem pertineant.

De Ecclesiis destructis quomodo restaurari debeant. Cap. XXI.

Ex decret. Ygini pape. cap. 5. **V**t Ecclesie destructe, vbi aut plures sunt quàm necessitas, aut maioris magnitudinis, quàm vt ex rebus ad eas pertinentibus restaurari possint, episcopi prouidentia modus inueniatur, qualiter consistere possint.

Quòd in vna terminatione plures baptismales Ecclesie esse non possint. Cap. XXII.

Ex cõcil. apud Aquasgras. cap. 5. **P**lures baptismales Ecclesie in vna terminatione esse non possunt, sed vna tantummodo cum subditis capitulis. Et si contentio fuerit de terminatione duarum matricum plebes verarumque discernant, & si nõ conueniunt, lis de iudicio discernatur.

Vt regularia monasteria nec vendi, nec commutari possint. Cap. XXIII.

Ex decret. Siluerii pape. cap. 1. **N**emini regum aut cuiquam hominum in proprium liceat monasterium tradere, nisi ad aliud monasterium vel commutare, nisi cum alio monasterio, vel quocunque commento vendere. Hoc etiam diuina & apostolica atque canonica sub anathematis pona sanxit autoritas. Quod factum fuerit, non valebit, sed ipsum monasterium in primum reformetur statum.

Vt non liceat alicui vnius Ecclesie terram nisi cambiati vertere ad aliam. Cap. XXIII.

Ex cõcil. Lugdun. cap. 5. **N**on liceat episcopo, nec abbati, terram Ecclesie vertere ad aliam, quamuis ambæ sint in eius potestate. Tamen si commutare voluerint terras earum, cum consensu amborum faciant.